

北

游

錄

北游錄紀郵

鹽官談遷孺木著

蒼抵燕之明日為覽揆之辰時嚴寒中肺苦咳疾乘
旬而瘡目廢書久之追改旦凍墨易融按歷詮過難
兀坐窮師不跡戶以外而衾影之愧有負鋪啜日月
之逝徒羨河清每一興懷未嘗不黯然而自失也駒
隙如駛虫魚不休昔人云蒲柳之質望秋先零與其
零也不如縮而輯之故紀郵

甲午正月壬辰朔晴先是積雪道淖朱太史午出朝云
宴特甚乳茶炊食列設二十器同席四人三品上始觴

餘不及器也炊食係東製異于常蒸未刻日生左珥

癸巳晨入宣武門

元順承門俗目之

稍左天主堂訪西人湯道

未若望大西洋歐邏巴國人去中國二萬里萬曆戊午

航海至廣州其州載千人歷二年同輩十二人至者七

人從江浙入燕故相上海錢文定龍錫以治曆薦今湯

官太常寺卿領欽天監事勅封通元教師年六十有三

霜然拂頰先是萬曆辛巳歐邏巴國利瑪竇入中國始

到肇慶表貢耶穌像萬國圖自鳴鐘天琴等庚戌辛勅

葬阜成門外二里其後先後至嚴事天主築堂其製狹

長上如履屨傍倚疏藻繪詭異供耶穌畫像望之如塑

右像聖母母治少子一兒耶穌也耶穌譯言救世者一
曰陟斯漢哀帝元壽二年庚申生如德亞國聖母瑪利
亞今王族童貞不嫁忽娠天主六十三卒後三日復甦
升天天主年三十三上升其教耶穌曰契利斯督法王
曰俾斯玻傳法者曰撒責而驛德如利瑪竇等奉教者曰契
利斯當祭陟斯以七日曰米撒其降生升天等日曰大
米撒瑪竇亡其友龐迪我龍華氏輩代主其教今湯氏
尤見重登其樓閣平儀候鐘遠鏡天琴之屬鐘儀俱銅
質遠鏡以玻璃琴以鐵絲琴匣縱五尺衡一尺高九寸
中板隔之上列鐵絲四十五斜繫于左右柱又斜梁梁

下隱水籌數如弦綴板之下底列雁柱四十五手按之音節如譜其書疊架繭紙精瑩劈鴉翎注墨橫書自左而右漢人不能辨湯氏善飲吸頗厚目奉別而出壁示今歲春牛式幹以桑柘木縣治左門為承板又西至象房舊象十有七新象三俱黎色象奴命之呈技隨命隨穎無不各肖間朝日立仗視秩料為差疾則代傷人則仗或貶秩終不敢越位呂氏春秋因之義者有髦象之約約即鼻也是日陰昧塗凍融腹化為服甲子報謝諸客于微雪吾鄉計相昨貽單刺余亦如之或議其非分余曰適之全非敢越也過同里陳木庵

水菴獨選未見前月明經三人赴銓探壽再得粵西其
季慎卻不能手太宰命代壽又粵西也目歎功名之不
可强如此

乙未晴風甚有召箕者問吾家云平善

丙申闕金史竟

丁酉

戊戌館人言保定新安縣饒魚蟹菱藕尤多水鳥市即
綠色

己酉亥

庚子偶讀朱子价曰潘山帶閣集其憶梅詩水夜幾回

銷夜月雪香將不勝春風道家本行經云夜月能銷冰
時對冰月為錄其語

辛丑陰

壬寅家訊附陳本菴余少向平之舉而故園屢夢知五
岳未易裝也夜放火樹

癸卯始霜時重陰寒沍雖晚霽而道淖桀足久矣日每
匿月每饒若相避也

甲辰晴

乙巳聞前門售龍象諸燈出巷以淖止而諸燈武進之
大內矣去秋八月官家命製鰲山以期促不果

丙午寅刻雪霽止薄莫微雨闌元始竟

丁未晴 戊申陰 己酉 庚戌

辛亥始晚霽是夕聞客微烟火事所始按漢武帝祀太
乙自昏至明僧史謂西域臘月晦日名大神變燒燈表
佛漢明目之然臘月也梁簡文列燈賦陳後主燈詩未
詳其月日初唐始上元張燈唐宗景雲二年始連三夜
宋太祖乾德五年始增十七十八兩夜理宗淳祐三年
始十三日起 明初放燈十日

壬子晴夜夢亡友王介人論詩

癸丑出廣寧門俗彰儀門里許入天寧寺故闕趙連城

之壁嘗掌惜薪司出曹化淳之門傳其服語舊事一二
不忍述寺塔高十三尋四周綴鐸萬計夜屢放光隋文
帝嘗過阿羅漢授舍利一畧万分致雍岐等三十州
各一塔幽州弘業寺其一也或後為大寧志輒之目塔
前一幢書法道古永樂間修寺少師姚廣孝目廣壽寺
退居焉

甲寅過陳木菴

乙卯

丙辰仍游天寧寺寺左周垣似廢塚以問趙常侍云故
司禮蕭氏敬也敬事正嘉兩朝墓左弘化寺今廢又北

松林菴並敕立嘉靖

築外城四菴隔矣遂入禮拜

寺成化中賜額西域回回降人齋誦處記云尊天主教
益信大歐邏巴之說有自來矣

丁巳始聞跡雁是日朱太史被命呈草書進一絕句五
雲近接御炉烟天語傳呼試綵箋丹禁盤盂皆敬勝猶
懷筆誅效前賢

戊午訪嘉興曹秋壑太僕及武康韋劍威人龍並不值
余今蠟螯以太僕語及故先之間劍威嘗謁 思陵欲
問程目晚過崇福寺故唐憫忠寺也太宗征高麗聚戰
骨于營州柳城更建寺薦福有憫忠閣 明宣德十年

改額崇福閣新修云觀音閣舊石刻二曰范陽郡憫忠
寺主德二載十一月十五日建大唐光天大聖文武孝
感皇帝敬元垢淨光賢塔頌范陽府功曹參軍兼節度
掌書記張不矜撰御史大夫史思明奉 承奉郎守經
略軍曹參軍蘇璽之書又重藏舍利記景福元年十
二月十八日 街內殿講論無應制大德沙門南叙
述略曰隋文帝潛龍日有梵僧自印度至授舍利于一
瓶曰此釋迦佛遺形目檀越可為主暨登寶位開皇至
仁壽二年壬戌正月勅天下大州一百處置舍利塔時
幽州節制寶 瓶本塔五層飾以金碧二百三十三年

天火焚塔內寶六月發其藏舍利光七異采捧金函
于東門上獻黃金瓶如麴麥量內藏一粒仁壽舍利也
二粒在塔內又二粒在小金合子內又九十粒如銀
粟狀在琉璃瓶內玉環二號七綜金桐棺槨異香釵釧
等今又有二粒舍利光彩甚瑩在銀結藤琉璃餅內即
故壇大德明鑒平昔隨身供奉臨終授弟子栢忍今
同收函內

已未大風

庚申曹太僕見枉語先朝事二則俄江南都司龍游表
之後至表善形容家言于漂陽陳相國有孫黃之德故游

燕以武舉起家頗聞江南逆案之惜

辛酉晚陰是日聞平涼府志中丞趙時春作宦師人物
備義刺藝文不載稱信史矣夜雪

二月壬戌朔陰光霽沐卜筮尊于正陽門之關廟日入

城東通玉河橋沿涯向北碧瓦朱門西歷鄧將軍廟臺

基廢舊經東長安門而回有監標衛其子者聞畿以南

流亡載道是日朱太史賜裘同弘文院侍讀學士孟津

陳煥侍講鉞唐黃机國史院侍讀學士鉅鹿楊思聖

甲子晴

乙丑早霧同友人訪朱義儒于仁威觀及其師歸安陸

尚書 夾道松柏亦百年物晚共留常侍語常侍號飛
鳴 嘗預司禮監南司房今敗錢相鄰訪以舊事不覺
泣下拭袂而別中夜微雨

丙寅午稍霽陸禹時來時邊中翰陸選而不信

丁卯晴

戊辰入山川壇壇周垣六里東北門內熒惑神祠祠前
夾隴柱望入垣截其南穿入通太常寺祠祭署西走數
百武南至齋宮周廡百六十楹其東西南門以內又周
廡若干楹設御座淺紫色丹其楹泥背以漆屏寢殿五
楹左右廂三之又東膳房而鐘鼓樓鑾駕庫分峙齋宮

之東向陽由齋宮西出則藉田所也設葦殿三楹連幕
十五楹蔭其田衡十步田東西各葺舍以列塲衛直北
更衣殿殿左旗纛廟右饗殿祀太歲風雲雷雨岳鎮海
瀆東西二廡祀山川月將城隍之神正陞九出西南先
農壇壇北幕次及于神庖凡十竈夾以井西出宰牲所
二銅釜可受水數石馳道松柏挺蔚者二百五十餘年
太歲殿之東有大松偃而不拔據以柱行人出其下時
且耕籍各役交驚有汲者云崇禎十三年後絕綆矣
己巳仍通山川壇是日聞示內院以先朝朝祭服祀大
風且微雨

庚午陰閏謝在杭北河紀始得舊游之概是日寒

年未晴

壬申

癸酉自正陽門東行觀太學石鼓在先師廟門內高二尺廣徑八餘分似鼓而項微圓其一如曰周宣王之獵碣也初棄陳倉野中唐鄭餘慶徙鳳翔縣學而亡其一宋皇祐四年何傳師得之民間宋大觀二年徙京師國學金歆其字靖康二年金人輦至燕剔其金置大興府學元大德十一年大都教授虞集移國學其篆籀凡六百五十七言宋治平中存字四百六十五元至元中存

字三百八十六今存字三百二十五麻城劉侗曰謂周
宣王之鼓韓愈張懷瓘寶鼎也謂文王之鼓至宣王刻
詩書應物也謂秦氏之文宋鄭樵也謂宣王而疑之歐
陽修也謂宣王而信之趙明誠也謂成王之鼓程琳董
道也謂字文周作者馬子卿也按金翰林學士莊平馬
定國子卿作石鼓辨萬餘言以字畫是字文周時所造
愚不解字學此朝綺靡以匹古詩安矣又劉侗曰今衡
陽縣合江亭石鼓書院有石鼓一焉其大履鐘其字尚
篆其文尚禮祀文也西出集賢門有元加封孔子碑又
明洪武二年學制碑云北平等處行中書省准中書

禮部咨呈云猶宋元式也內選民間子弟人才俊秀

年十五以上讀中庸論語四書先考方許入學教授一

員教禮教律教寫字訓導二員教學教射教數大成殿

彝倫堂俱元許魯齋先生植其地近安定門遶經鼓樓

樓毀而石洞高築雄風四來稍北鐘樓其制其燬並如

之南直皇城之北安門萬歲山貞皇城轟然在望濯濯

也相傳金人以蒙古國土山有王氣鑿載其土抵幽州

積為山見樗齋客話愚未敢信金人都燕海陵王好土

木或其時加築也俗云煤山崇禎己巳冬京北果疏果

積煤也積者喘之度萬寧橋橋西進積水潭為巨浸稍

南循北安門外向西日水關則積水潭導閘下入皇城
西苑為太液池跨覽潭影鵝鷺飛沈遠荷田田如聞香
氣尋出宣武門柳色淡黃終日走三十里足免副之夜
同胡伯高負飲又觴月頗酣

癸酉

甲戌胡伯高言往時崑山陳公虞懋德司理杭州嘗判
嫁二妓一不安其室一嫁蘇者許某貧甚隆冬不續
即漆布夾以絮故狎客攜樽欲飲其家蘇者不敢拒頗
出曰妾在青樓豈何但倩諸君雖傭乞可接席也今為
良人嬾安得更見辱若此聞可瀆設携之貴閭亦何所

挺客慚而退陳司理秩滿遽去故倡來訟許氏頗結褵
引刃期以必死諸生義而訴其事得全惜其人微不傳
也許氏居碧蓮館前夜雨

乙亥晴

丙子望是日藉田往聖祐宮塙園不前夜夢李于鱗徐
子與吳明卿同旅舍莫雨共論正德以後卿輔于鱗問
明卿曰若頗攻林貞甫私事然渠能持正余曰其私事
有據否此公好名如撫四川值逆瑾敗補疏攻之是也
寤後漫記使鍾譚地下聞之又塙一白雪樓鈍賊矣
丁丑午訪浦江鄭維特 前識其人為義門之裔特

扣之云自宋元來同居十世 明高皇帝以龍鳳五年
下婺州李文忠再以閭 上手書孝義家而孝字上畫
墨淡曰曰江南風土薄惟願子孫賢遂免其徭後鄭洪
為內藏庫提點坐累法當籍 上曰此一人事無預舉
家洪同輩二十五人洪行十一伏法餘析二十五房始
異爨所居距縣城二十五里界紹興宋學士濂嘗館其
家去鄭氏三里偶得坎地得石刻云宋公園學士異之
因移家焉女字鄭秋今族籍千餘人迨 明末未嘗徭
也余曰閭 建文帝嘗匿鄭氏所洵乎曰相傳 建文
帝嘗來里人陳子七訴于官且言藏械七櫃而鄭氏七

櫃二藏書五藏祇有司按之再啟櫃見書而止遂寓則
朱太史以曹太僕所藏賀監孝經序見示益構李項氏
物行草一幅並無識跋不知何以定為賀監也曹太僕
時東居停云太倉吳駿公欲枉我囑令先之

戊寅陰清明節

己卯晴訪吳駿公先生不值晡刻走西河堰書肆大不
如金陵蘇杭也是日間各內院俱携家內直

庚辰昧爽雨霽止

辛巳晴大風寒

壬午出左安門探葦公祠海棠自寓舍至其處可十二

里正德甲戌司禮太監韋霽預卜葬于十里河立弘善
寺賜額歸田二十頃贍僧故不廢佛殿後頻婆樹一大
合抱內祠霽有海棠二各合抱歧幹叢條尚未落也自
甲戌來今百四十一年木之壽有限似易于見長記南
都靜海寺海棠為永樂七年太監鄭和舶上物大不及
此或曰梨樹接鐵梗海棠則城西府理或有之寺左即
霽墓內舍頗垣幸未全廢又左英王墓朱門魚旛道樹
五尺之杲^木坊以末朝士俱下騎寺右太監魏紳墓萬曆
丁未紳主^末厰庚戌主司禮碌碌苛謹同于霽而霽藉海
棠以著章矣餘墓並毀遂經金魚池在天壇北築隄雍

池綺疏朱戶漢丞相通太廟垣論死天壇何地等子濠
濮間齒路馬祕溫室者獨未之間乎同行范仲茂拉市
飲而反則吳駿公先生過不值

癸未

甲申仍訪吳太史語移時晚招飲以國權近今就正多
所裁訂各有闡明證也太史不善酒余頗酣

乙酉

丙戌陳木庵未知邑人王倪生至自江寧夜夢竄籍登
鄉薦被糾欲上書措大積習固不候廬生枕中也

丁亥陰適曹太僕借書出劉君愚酌中志三爰孫侍郎

北海承澤崇禎事蹟一哀酌中老舊嘗手錄今本加詳
蓋此閨絕嗣者屢矣前以問趙常侍云若惡風狂不足
信入宮之嫉也傅郎輯崇禎事若干卷不輕示人又著
春明夢餘錄若干卷並秘之遂訪王倪生不值已吳太
史東及近事隨答之莫雨

戊子 己丑 庚寅

三月辛卯朔大慈仁寺俗呼教伽藍殿海棠二株並華

相煙姿猗那貴人方席其下亟去之頗似漢武帝帷中
見李夫人也

壬辰年過吳太史讀近詩其蕭史有門曲曰蕭史有門

望明月碧鸞尾
埽銀河潤好時
池臺日草荒扶風郊舍
黃塵沒當年故后
嬖奸家槐市無人噪
晚鴉卻憶沁園
公主第春鶯啼
煞上陽花嗚呼
先皇寡兄弟天家貴
主稱同氣奉車都尉
誰最賢羣公才地如
王濟被服依然儒者
風讀書妙得公卿譽
大內傾宮嫁樂安
光宗
少女宜加意
正值官家從代末
王姬禮數從優異
先是朝廷啟
未央天人寧德降
劇郎道路爭傳
長公主夫婿
豪華勢莫當
百兩車未填
紫陌千金極
送出彤房紅
簪小阮調鸚鵡
翠管繁華叫鳳凰
白首傳瓊阿
母飾綠襦
大衫騎奴裝
灼灼天桃共
穠李兩家姊妹
騎紈綺九子

驚雛鬥玉釵釵工百萬恣未取屋裡黃爐消若聖門前
細數流如水外家肺腑初尊親 神廟榮昌主尚存結
到 孝純能識面抱來太子輒呼名六宮都講家人禮
四節頻加戚里恩同謝龍脂龍德殿共乘油壁月華門
萬事豪華有消歇樂安一病音容沒苑弱桃笙朝露空
溫明祕器空堂設玉房玲瓏宮中賜遺言上獻依常制
卻添駟馬不勝情至尊覽表為流涕金丹珠衣進太妃
鏡奩細合遂大壻此時同產更無人寧德未朝笑語真
憂及四方宵旰甚自家兄妹語艱辛明年缺騎燒宮闕
君后倉皇相訣絕仙人樓上看灰飛織女橋邊聽流血

慷慨難從輩公死亂離怕與劉郎別扶携大娘出兵間
改朔移朝至今活粉碓脂田縣吏收粧樓舞閣豪家奪
曹見天家羨璧人今朝破帽迎風雪賣珠易米反柴門
貴主淒涼向誰說苦憶先皇涕泪連長平嬌小最堪憐
青萍血碧他生果紫玉魂歸異代緣盡歎周郎曹入選
俄驚秦女再登仙青青果食東風柳影義門邊冷墓田
昨夜西窗仍夢見樂安小姊重惟宴先后傳呼捲
簾貴妃笑折櫻桃倦玉階冷出宮門御溝春水浮花
片花落回頭往事非更殘燈炮泪沾衣休言傳粉何平
叔莫見焚香衛少兒何處笙歌臨大道誰家陵墓對斜

暉只看天上瓊樓夜烏鵲年年他自飛

癸巳陰嘗太僕來語久之許借王元之小畜集願

玉山倡和集

甲午

乙未莫雨飲酣酒蒸羊酥為之積水味冲冷飲頗不羶
又酥餅堅如石氣稍羶可經數年耐飢渴東人珍之並

內賜也

丙申晴

丁酉陰大風武康韋劍威來晚啖龍鬚羊肚二菜龍鬚
出天壇細短如翠甲申肩反携濮州羊肚菜形味並切

類今全不之似何也

戎戎風甚

己亥晴 庚子

辛丑吳太史示流寇輯略夜閱陳百史石雲居集雖左
王李而右晉江昆陵亦近作匠心者

壬寅

癸卯石雲居集閱竟是日聞陳百史未命府則人亡則
書豈是之謂也

甲辰大風霾

乙巳陰早至宣武門直舍蓋漂陽之杜郵也失導而反

午後觀大慈仁寺海棠旋倚少刻雨然遂我矣

丙午晴

丁未遇曹太僕所目云收宋諸家集百二十餘種

戊申遇吳太史值金壇王有三選部重追語江左舊事
不勝遺恨

己酉是日立夏遇陳木庵所

庚戌 辛亥

壬子會陸尚疇云浙西斗米三錢頗憂內顧

癸丑晴刻或拉以市飲頗醉

甲寅陰

乙卯大風

丙辰晴仍風霾

丁巳

戊午是日鄉人聚禱東岳廟在東便門外梨園各列幟
以赴之士女填道余不能從也間來粵雜出時未之辨

東岳廟帝像相傳元昭
文錄學士竇冰刻元述

己未

四月庚申朔往東嶽廟將至而行人寂寂遂中反是日

倪生來不值

辛酉過王倪生所亦不值

壬戌大風

癸亥過曹太僕所太僕經論明詩推李空同為杜陵的
派且詩之有何李如禪家南北之宗宗李氏如孫宜之
可孟望之洋鄭善夫輩宗何氏如薛君采蕙高蘇門
叔明徐迪功禎輩尤彰彰者也于鱗元美禎習毅陳
終不遠空同云

甲子晚步菜市看芍藥不值

乙丑

丙寅過陳木菴時木菴兄澹如及愈公調以部試至得
張元咭書知吳若谷太史沈滄嶼太常獲邱國之貴先

是正月余東太史亦反此事

丁卯晨間載勝吾鄉云火山看火也已訪俞公調陳澹
如備悉鄉曲之蹟遂過吳太史劇論二十刻因出其詩
文四表讀一二篇其勢如錢塘八月潮目携歸燭未跋
而竟足日佛成道之辰郡人煮豆任人掬焉云結緣余
乍值之不覺也計陳素菴計相孝廉時云嘗四月八日
游西山猶有前元鈞軒之風道列淫肆值一矮僧戲施
錢若干三施三入肆復施之辭力不任笑時以為笑語
在崇禎乙亥夏并附識之

戊辰夜大雷雨

己巳

庚午連雨後晚飲葡萄架下頗醉

辛未晴同友人觀劇是日不勝杯酌

壬申飲葡萄架下對月

癸酉邑人唐直升欽來郵家報及張書來錢紫一趙介

眉手札

甲戌有自杭來者云仁和叔獄不即得午步大慈仁寺

晚又飲葡萄下

乙亥晨雨

丙子陳澹如兄弟來

丁丑通王侃生已授長蘆鹽運司知事飯我星日吳太
史借舊邸報若干遞閱志携以誅
戎寅辰抄邸焚如亂絲略次第之
己卯同館沈叔明遠義馬附家報

庚辰 辛巳

壬午仁和卓太史藥招飲不赴莫大雷雨

癸未陰晚霽陪浦江張月征以道飲登露臺西山浮青
如寸黛為之霑醉

甲申

乙酉進賢陳旭生啟東晨訪午後報卓太史不值會韋

劍威語久之遂過吳駿公太史極論舊事且述辛未南
宮放榜之前夕夢坐一大公署最宏麗徐九一夏彝仲
携樽傾倒送之儀門回顧門封曰詹事府入出門屏牆
上大書曹勲字狂二尺果冠南宮而體羸常懼裁馭之
侃叨一第年二十三意歷詹事不越二十年未嘗躋進
及甲申夏家召謂且詹事我也果如之人生進止點有
權衡豈非天哉是日大學士張中柱端卒年三十有六
亡子時座客目其郎來云渠父尚書忻吏離床燭間誑
以已得孫今溘焉朝露并無期功之戚何疏素入相始
肇臨絕題二詩如偈有客歎曰溧陽千磨百鍊而不死

死之以弓弦中柱平生無一皺眉事朝花夕隕事何可料也

丙戌訪陳旭生于米市

丁亥夜同義爲丁天心世勲飲丁冒滿州計姓壬辰提

南宮除名

戊子早遇吳太史多異聞別有紀

已丑

五月庚寅朔遇王侃生于市見桑椹念吾鄉桑條早成矣安得椹茲豈涿州樓桑遺物耶

辛卯熱 壬辰

癸巳俞公調來約明午小飯晚同諸客饌啖文官果即
櫛櫛也剖肉旋如螺寔初成甘香久則微苦昔唐德宗
幸奉天民獻是果遂官其人故名亦曰馬金囊

甲午早微雨度不能赴俞公調之約俄雲翳解馭即過
之同陳澹如木菴薄醉游靈祐宮欲雨亟別抵寓雨大
至

乙未晴

丙申訪膠州紀春晚勝故蓋故交也甲申任南京戶部
主事與高相國有聯相款洽乙酉六月別於錢塘今除
光祿寺良醢署正間其至幸甚相見勞苦知高相國已

葬二孫能自力勝痾師負薪者良足慰也光祿清約不
敵一首猶起自收籍疇為堪之

丁酉早過吳太史每一論文聲數百言下上今昔不
誤抵塵也午同友人入湯道未園中方池通銅竅于井
井上轉鉄輪則池水噴注如趺突至四五尺石榴本大
于拱有古致友人拉市飲頗醉晚寄膠州高公子書
戊戌陰身觸寒不快

己亥晴過俞公調閱友人安義令徐公偉坐累

庚子莫雨徹夜北人方刈麥苦之夏至後五日玄露南
方器服俱蒸潤改色北方則否今燕中略似之

辛丑晴

壬寅晨旭見俄雨

癸卯

甲辰陳澹如來別時體小劇踰旬不御酒

乙巳

丙午過陳澹如附家報莫雨

丁未連雨大無麥

戊申晴 巳酉陰

庚戌晴莫大雨

辛亥 壬子晴

癸丑陰遇曹太僕值汪涌陶同飲莫雨

甲寅晴 乙卯莫雨 丙辰夜為甚

丁巳晴 戊午

六月己未朔夜大風雷雨

庚申陰是日浴象宣武門外導以鼓幟餘日竟一浴

辛酉始見蝎苦熱

壬戌薄莫曹太僕于廳事勉攝衣冠揖之汗雨下固知

野性

癸亥

甲子始啖銀桃味香脆隕于常云出安肅按一統志上

林苑出金桃玉桃今郡人大桃僅以銀稱或即其種昧
所出耶

乙丑貸居竄升十金先是竄升道叔也

丙寅夜熱甚時謂去冬之寒今之熱前所未有也

丁卯又作家報寄俞公調所遠過吳太史晡刻暴雨詰

朝不止

戊辰午霽莫聞郎報寇及海鹽之激浦念桑梓夕不能
寐

己巳晴 庚午莫雨 辛未晴夜又雷雨

壬申晡刻雨連日 癸酉晚涼甚

甲戌陰是日時中宮間宴漢官二百餘員總五席

乙亥早雨而霽

丙子晴訪司城宋侯伯時英吾杭人也始任見枉

丁丑夜雨 戊寅晴仍熱 己卯 庚辰

辛巳晨通朱義儒于仁威觀以尚寢去之苦熱也屢聞

江南旱又多警累旬不快

壬午東安尉言某偶至云邑被水日刑部尚書已吟納禮

部左侍郎呂崇烈奉賑便從滿洲大人二譯字生四通
事二餘又百餘騎四日費三百金有奇飢民萬五千人
各給錢三百五十年七十以上加布一尺計布二千疋

須千金鄉人來候三四日多道死且給不償費具文塞責類如此至縣官苦供億又無論矣余聞而惻然思日雨

癸未 甲申

乙酉 晴刻大雨

丙戌 陰同 德觀劇以朱太孺人生辰也晚飲葡萄下余有殷憂之疾先卧

丁亥 晴莫大雨

七月 戊子 朔晴

己丑 有以玄玉鏡信朱太史者徑九寸厚七分漆光甚

鑑按黑玉曰璘未盡鏡也是日欽天監博士嘉興朱辰伯廷樞伴使琉球命下三日遽行不及別家人其子在太史所聞之惋歎夜大雨

庚寅午又雨是日朱太史晉內翰林弘文院侍讀學士辛卯晴

壬辰觀西河堰書肆值杭人周清源云虞德國先生門人也嘗撫西湖小說噫施耐菴豈足法哉遂遇吳太史方抱疾

癸巳莫同張月征飲屬醉

甲午通陳木菴所問其注選未及也

乙未陰

丙申晴過紀光祿所門阮蕭瑟有陸沈金馬之歎莫又

雨

丁酉霽

戊戌夜月有佳致

己亥

庚子或言蔡人質趙承旨所書蘭亭序并畫聖往跡之
贗本也廢然而反

辛丑陰

壬寅是日中元節燕人多蒸祭車馬踵屬夕不月中夜

大雨

癸卯陰

甲辰晴

乙巳候吳太史其鄉人周子儼輩至燕訪之太史強起
語移時目借其錢牧齋所造明詩

丙午聞吾鄉米貴甚為之愕然求鄉人訪之不值

丁未陰適陳木菴居置升置升云六月初斗米三錢今
當溢矣

戊申

己酉晴午過吳太史周子儼所太史疾少間云先朝節
慎庫內圖書俱宋宣和物金人入汴歸于燕元仍之
明初徐中山下燕封府庫圖籍甲申之變存賊遁都人
清宮同年孫北海身入大內見封識猶中山時也今散

佚無一存。今賜諸臣書畫。北海得大觀殿法帖。宋高
宗所賜喻樗者。多鍾王秘蹟。又李賊焚六科廊。而先朝
之疏抄盡矣。又云。歐陽永叔五代史頗畧。宋太宗勅修
冊府元龜。五代事雖見如櫛之可補。永叔之闕。

庚戌 辛亥 壬子 莫雨

癸丑 陰間鄉警愛之

甲寅午訪曹太僕以商耗不之值。蒼頭云。流聞未足據
也。過紀光祿得諸城丁野鶴雜元詞二劇。為鼓掌。又詩
若干首。齒牙流利。或不免僉父耳。晚同張月征飲。葡萄
下。啖西洋餅。蓋湯太常餉朱太史者。其製審麤。和以雞

邛凡而鐵板穴之薄如楮大如碗說為殊味月征携回
教以示寓客夜微雨

乙卯晴

丙辰早雨俄霽通吳太史所語二十刻別有紀

丁巳晴

八月戊午朔雞舟號御重裘趨宣武門待啟映糜二器
直走中達以及德勝門出五里土城相傳古薊門遺址
亦曰薊邨非薊州也稍北土城灣十二里清河橋清河
源畱平之一畝泉經燕丹村東南合溫榆河而來橋勒
石半毀其勢闊壯里許則清河集殆三四百家又里許

石橋如南勒石曰朝宗橋下游鯨可鑑二十里回龍觀
七里半壁店四里滿井、潞水商于地巨柳二蔭以祠
又 里安濟橋跨沙河里許華城沙河行宮在焉
先朝謁陵所駐蹕也規制如大內有分守公署戎舍城
西居人數百家長楊五柞甘泉翠微日昔離宮多矣未
始城也今丹樓如霞重關如甍徙栖鳥早莫日暑暘且
足望雖對遠山心目為開而疲極遂策蹇少頃西山雲
如墨且雷聲隆、途人曰西南雨矣幸自外也十里德
陵果園各陵並有園樹桃李等殷薦以寺人領之五里
曰浮山上有二龍潭浮出曰浮村至青龍橋表五十餘

里度山下由所鑿往而行人難之指東曰龍山向日鳳
凰山似失實五里演武場入昌平之南門宿于逆旅舍
而作有電如案俄止立舍外北望翠微千重駭曰城中
安得有此土人曰此即天壽諸山也貰升酒自勞疲頓
酣中宵遙微月喜詰朝或游矣

己未霽款見驢陵游遂旅問誰為陵者曰銀泉山蓋往
間先帝葬銀泉也遂放曰道近甚何驢為嘖起而行焦
樓甯城中榜曰咫尺五雲希勝概也西經故都督孫祖
壽少保坊出西門經朝宗坊沿道涇沙城：有聲猶山
折而北望石坊橫空又望丹闕金碧意為紅門也將趨

之逸人曰如往銀泉山也者西可往也遂西向久之度
可方七里問程馬曰未已也悔為逸旅所賣野叟多刈
蕎麥作花如雪果園接趾少垂寔者屢迷屢問偶從一
梓人漸及西紅門有老閹策杖而下梓人指曰此守恩
陵許公也杖者問余何往曰銀泉山曰銀泉山無甚何
往也余不解其意別而前自西紅門數百武黃屋在望
甚儉稍西北丹楹碧瓦松楸沈沈也余越黃屋而過之
問梓人此何所也曰崇禎皇帝葬處余愕然仰視黃
屋之額果思陵也亟反步披莽棘抵周垣之南垣博
六十步中門丈有二尺左右各戶而踰其右為雪涕中

階下念重趼至此咫尺不及詳五步之內豈吾國有所
恨耶仍雪涕叩而退垣左繞二松其西南三十步有短
垣樹方石碑就視之故司禮秉筆太監王承恩塚也順
治二年四月初立取故道而下稍憩一菴則許氏園適
在焉述其故許氏曰吾前知足下意乃云銀泉山何也
銀泉山葬 神廟貴妃鄭氏及皇貴妃李氏順妃李氏
昭妃劉氏非遺葬也 思陵今故田貴妃園李賊委
先帝后梓宮于昌平城外于是吏民悲泣醵葬于此順
治二年始春秋祭年豕凡十三陵而定陵不與焉各
陵塚田六頃奉祀太監二人陵戶八人順治六年教止

田一項收錢十緡以祭不贍訴之州大夫大夫曰雖不
祭七害吾曹懼違清朝之令德于是清明霜降二節具
羊豕合祭于紅門外正旦元夕七月望冬節每歲祭薦
酒一卮望朔二十錢燃寸燭獻茶三瓿崇禎家老奴不
過如此余聽之泣下許又曰吾乾清宮直煖殿今守
思陵闌寂不可堪西北松楸沈沈者世廟諸妃園也
吾寓馬先生少休令陵尸以門牡至恭謁思陵行不
孤矣余起謝往謁於思陵門外亡何陵尸啟鑰垣以
內左右燕三楹饗殿南向三楹常不三丈丹案上奉
明懷宗端皇帝神位屏拜訖循壁向北又垣其門左右

唐如前中為碑亭云 懷宗端皇帝陵篆首大明辰拜
訖出進北垣除地五丈則石坎淺五寸方數尺焚帛處
坎北炉瓶五事并琢以石稍進五尺橫石几盤果五之
俱石也蜺龍之藏涌土約三四尺茅塞榛荒酸棗數本
即求啼鳥之樹泣鵲之枝而無從也生為萬乘歿為游
魂人辰拜泣不自禁矣出饗殿訐氏至更述 先帝臨
變所以命東宮公主者惜甚其畧也司禮王德化釀亂
盪盪先帝及事棘 先帝罷德化改王之心掌篆末以
東宮屬嘉定伯永王屬 定王屬之心諭逃民間爾
毋徂故態凡外人年長者死事之庶可免也之心昧私

舍以委蒼頭某邊自經蒼頭某獻之賊吾嘗入皇城有
三十騎拔刀脅太子二王而出辟易側立太子涕下吾
亦涕下太子手一黃表忍道地命拾之對以未敢賊騎
罵曰尔内臣何不為効力乃曰惟將軍之命拾上太子
不知所畏何物也在乾清宮久雅習太子是冬京師未
太子僞也吾次年始守陵問以發陵事曰自陵亡恙獨
銀泉山去此尚三里四妃園盜掘捕誅之梟于昌平之
熊樓腦傳紅門亦清朝之德也陵木伐盡享殿不閉綺
疏薄井百不一全獲勃接于几筵廢興天也吾曹豈知
有今日哉余聽之惟泣下抗手而別取故道反先後三

十里始哺倦卧逆旅中移刻起問狄梁公仁傑劉諫議
黃二祠逆旅曰并在舊縣距西門八里狄祠多古槐云
手植歲四月朔致祭商賈輻輳今祭而不市矣改昌平
置縣自唐五代後唐改縣燕平石晉仍昌平遼金元明
因之正統己巳移縣於今永安城正德丙寅進為州初
薊州昌平今一鎮嘉靖三年始分為二設提督都督總
兵官一員護防守邊關遂為昌鎮又往聞昌平人趙一
桂署州吏目倡義開田貴妃塚附先帝后梓宮吏民
醵助費百餘緡今一桂任泰安州吏目是日失託趙一
桂以舊縣足歡止吳駿公太史銀泉山詩銀泉山下行

人稀青楓月落虫燈微道旁翁仲忽聞語火入空焚燒
寶衣五陵小兒看狐兒夜穴紅墻縣官捕玉梳珠襦散
草間云是先朝鄭妃墓覆面番雲四十年專房共輩承
恩顧禮數由來母后殊至尊錯把旁人怒承直中宮侍
宴迴血裏銀珠不知數豈有言辭忤大家蛾眉薄命將
身誤宮人斜畔伯勞啼聲一為怨驪姬訴盡道昭儀殉
夜臺萬歲千秋共朝暮宮車一去不相隨當時枉信南
山銅只今嚳母似平生皓齒明眸問誰妒選侍園陵事
已荒移宮事蹟更茫、兩朝臺諫孤忠在一月昭陽舊
恨長魏為是非留信史却憐是寵異前王路人尚說東

西李二李寇國指點飛花入壤塙

庚申晨起策蹇而南薤露未晞流光乍沐眉睫之間蒼
鬱薦爽自昌平距都城七十里諸山北抱垂引西東勢
輒雄宕黃河帶其南限以大海風氣開拓故金元俱百
年外明興二百四十年隋杭汴金陵多矣至清河舍
蹇而徒記經石橋昌平城南一沙河南三清河南一俱
埋道中二里半一烽燧薤露莫抵寓自甲申來誓一謁思
陵而長陵尚隔渾河紅門在河之南距長陵二十
里列翁仲石獸各陵俱不設河之南殤王故妃所埋王
也長陵最雄一叩而屢惕于師不敢留

辛酉陰年微雨

壬戌晴 癸亥 甲子陰

乙丑早入宣武門沿皇城至于鼓樓欲窮積水潭之勝
非其地也目東出至文信公廟又西至朝天宮入妙覺
寺登白塔遶壽昌二年建貯舍利戒珠二十粒元世祖
至元八年發視果不安曰加飾焉 明天順元年賜今
額成化初于塔作燈籠一百八座東望宮闕燁如也出
景德街則歷代帝王廟不得入

丙寅

丁卯通曹秋壑太常時提督四譯館初駕議東巡都人

吳 善象緯言帝星不動駕必不出果驗太常故識
其人目問之太常曰故明之疇官也遭亂棄去性質直
非平交不至今又言文星不耀且難星相距尺許主此
場有議論如犯之急公聞將不免也太常又曰往年大
同楊某善幻術能移几入於壁又於壁出魚羊馬嘗東
井投器具出以內井又膠州李山人能道人陰事嘗從
坐忽云某衣色衣行至矣至則首語云已偶驗然
其人狡獪難近少不當其意輒播其所私前歲去矣又
曰吾購書五十種可堪訂五代史宋文鑑於南渡頗略
擬補南宋文鑑并快事也

戊辰陰午微雨

己巳晴

庚午訪真定何生云是月朔真定大水

辛未

壬申中秋節夕微雨飲後就寢月如常

癸酉附居置升家報午過吳太史則周子淑畢棘事同
語移時

甲戌午出右安門度石橋稻田菜畦大似江南西二里
故祖都督大壽園池柳臺館掩映離落亦城南杜曲矣
又西里許中頂華濟宮祀碧霞元君氣象華麗其東南

別殿外池可百餘畝方垣隔河也莫雨

乙亥同朱義儒展出西便門而北通夕月壇出禮神街
為阜成門外元平則門俗目之西迤八里莊一大聚落也法藏

摩訶大衆諸菴并列涓潔大慈寧寺萬曆 慈聖皇太

后建內永安壽塔十三級做天寧寺寧安閣額太后手

書俗道商家莊而北迷徑竟西走平原境確可十里黃

村則保明寺正統己巳 上出紫荆關凡呂氏當駕諫

北征不聽命筆之遽坐逝及乘輿蒙塵彷彿神護 英

宗念之復辟封玉妹立寺俗稱皇姑寺黃屋朱甍今圯

甚南望有山橫卧不西屬聞甃山土漬童童無草木山

下數十武元丞相郎律焚材墓距阜城門二十意近之
窮西徑北轉天仙廟山若轉迢雖荒麓廢煙離、在目
而意所亟者香山碧雲也久之經楊司禮顯名墓周垣
堅廣俄失道問慈仁寺菴僧導以徑過佛光寺問白松
二頻巨而日在峻嶇踉蹌問途至碧雲寺其孔道居民
數百家松連迤邐后梁當門澗聲號、出版下左由修
廡列柿成行其齊衆、僧導我藏經閣禮佛訖館于左
廂市沽一升佐以僧蔬啜而甘之僧問所繇則我南陸
也南陸紆遠或北道淖則出之今無所指南宜其祖足
也始在道謂西北翠蔚者遠甚安得遽相及以苦我今

身在翠蔚中矣。竭麓六十里，所謂有志者事竟成也。中
夜夢回，不能寐，見窓月皎甚，起步閣前，澄光洞徹，花影
重疊，壑外犬吠聲如豹，山空原靜，一片摩尼寶色也。坐
移時又寢。

丙子晨步寺門之梁山澗，聲甚左，廬砌下刻石深三
寸，遍相屬以引泉滴，不純似靈隱天竺山中竹溜也。
遂登藏經閣，當山之坳，翠落兩腋，身轉東北，其園卓錫
泉，自石罅龍吻出，下注飛濤，監軍御史吳阿衡題曰龍
湫閣。永陵曹臥泉鉢，丹中堂藝竹，俗曰黃金閭，碧玉
大槿，如指北土，固在乎見少也。南亭之塔，鏤二石梓。

旁有刊詩草書又銀杏樹一其大甲子西山右藏花洞
以石室備冬者出國問司禮于徑墓徑王德閭大端預
治葬立寺賜勅土木極一時善邀宸幸至今門闕代祀
焉凡賜祠有五多附塚而魏忠賢犯殊死不餘寸骨見
其墓駭之偈曰忠賢名下蘇應宣嘗被掠于建州從消
人入燕立忠賢虛墓并前祠而六之故獨不願遂禮大
殿其前方池梁馬朱魚陸呬云 神宗陵回張幄飯其
上不垂滂濈也學飯訖東趨卧佛寺從間道徑弘化寺
且廢又惠安伯張 墓可五里則壽安寺塔當其門落
葉傾廈蕭颯不堪大殿娑羅樹二一圍三人有餘次餘

二人餘後殿卧佛支頤修丈餘金漆甚古像唐製宣德
間濟舟大師修之火師房山人王姓萬曆丙戌重修有
御製碑 神祖幸寺出錦衾覆佛像將一葵長安客話
曰寺亦泉勝門西有石盤方廣數丈高亦稱是無纖毫
剝缺上創觀音堂前餘石丈許周以欄楯金華不及詳
奈何遂午飯直寺西南曰香山出遇惠安伯張 司禮
太監王之心等墓可三里則香山永安寺流泉在門折
上藏經閣未有軒、前峭壁疊嶂左右僧指前山之巔
故金章宗祭壇臺也其西山有護駕松今不存僅見其
一軒額楹帖并 神宗手書以望都城隱、歎、也出

歷級登無量殿通張司禮李司禮二墓張墓門白松扶
疎可愛又弘光寺太監鄭同立同朝鮮人曰使今國成
化閭卒佛閣八觚云東國之制取道而下可十折樹緣
徑轉清陰茂密忘其羊腸詰曲也歸益自喜目且詛吾
吾足矣是夜月如昨亦中宿起步老杜云秋月解傷神
各目其情未敢概以為例

丁丑晨飯別山僧東出就北道先朝諸王公主殤絕者
葬葬金山碧殿道接化為榛莽瓦礫者過半矣井不及
問行八里曰二聖菴北景皇帝陵閭陵前坎陷樹
多白楊菴嘗飯千人遺釜可徵也回寄徑於玉泉山：

巔故金章宗行宮芙蓉殿故址有呂公巖七真洞諸勝
西湖在山下有 明武宗釣臺碧雲傳語我可無游也
而所寄徑直東行當山之伏歇迴足西南各有難色遂
竟赴大功德寺舊名護聖寺金時建宣德二年改今名
雪峰大師製木毬使者募建毬大如斗漆繪五色四金
剛像不脛而走寺最鉅麗嘉靖中 世廟謁景陵以金
山口道隘鑿濶數十丈時謂功德寺開口不利及駕至
周行廊廡見金剛像猙獰可怖責寺僧殿制不法撤去
之寺遂廢僅蒼柏兩行亡恙古松盤屈葢塞外別種可
三四十株後殿供木毬于佛前手舉之重可五六斤金

采如新宣皇帝賜大師詩當年天下選高僧獨臥尊師
第一名五鳳樓前諱玉偈金鑒殿上講金經詞言淡々
如鷺子法語滔滔似馬鳴大闡宗風扶末運清名萬古
上傳燈雪峰有金雪集行世一曰教卷又園陵目景
帝外懷猷悼恭哀冲莊敬憲懷猷懷悼懷故太子七衛
許忻申蔚岳景穎戚茹均郊閭懷悼故王十七陽主二
二十六 仁廟妃三 宣廟妃一 英廟妃 憲廟
妃十二按史皆葬金山與景陵相屬凡五十三園望之
色饒寺南間道河自西湖來萦流屈注度板橋孤蒲依
依航艖極目阡陌縱橫或刈或鋤其遠於河則溝之古

八尺曰溝洫。我行五里河，益遠則永濟。又若千里土元，則緩菽矣。通洪慈宮南折為武定侯郭，墓佳，城依然。通萬壽延慶二寺，稍東故萬駙馬白石莊，柳數株臨渠，不減張緒當年。趨阜成門，慨曰：「平則門薄，莫遂郎噫。」一游也。無導無微在心者，不必目在；目者，不必足往。之日風甚，會雨後，故塵不揚，直走而內，必盧師平坡二山也。訂疑補略，或誤異日。

戊寅晚過吳氏，值趙陳二姬云能歌舞，其弄琴真秦聲也。

己卯夜大風

庚辰 辛巳 壬午

癸未年入宣武門二里過刑部街內都城隍廟光朝市
實所湊集也聞之都城隍神于譙果否南入鰲峰寺唐
貞觀舊刹成化間重建寺湫隘而旃檀瑞像特古成都
釋紹乾記曰釋迦牟尼佛周昭王二十四年甲寅生穆
王五十三年壬申入滅佛教道後嘗升恒利為母氏說
法數月未還時填王久潤瞻依乃刻旃檀佛像聖表目
睫連處有缺謬以神力攝三十二匠升天諦觀相好三
匝乃得其說既成王及國人若與神對及佛復降人間
壬午年臣度往迎其像升空謁佛為磨頂記曰我滅

度千年後尔往震旦國大興佛化佛滅千二百八十餘
年始自西域東至涼州十四年至長安一十七年至江
左百七十三年至淮南三百一十七年復至江南二十
一年北至汴京百七十六年自宋高宗紹興元年辛亥
金太宗迎至燕京建水陸會安置于閔忠寺十二年是
年熙宗于上京建大儲慶寺奉迎于積慶閣中二十年
海陵王復迎遷燕宮內殿居五十四年元丁丑歲三月
會內殿災尚書右林公往迎聖安寺十九年至元世祖
至元十九年乙亥遣大臣孛羅等備法駕香伎奉迎為
壽仁智殿居十五年丁丑建大聖為安寺二十六年已

丑自仁智殿奉迎于寺之後殿百四十餘年自迎于
慶壽寺至嘉靖十七年居百二十餘年回寺回祿表聞
于上奉迎于鷲峰寺自塢王造像於周穆王十二年辛
卯至明萬曆丁酉凡二千五百八十餘年云按閩
宗儀輟耕錄言端像靈異故老相傳其像四體無所倚
着人居有通則至其國、初尚可通一綫今則不然矣
元學士程鉅夫端像碑云計自優塢王造像至今延祐
丙辰凡二千二百有七年又釋氏咸通錄梁武帝遣郝
騫等往天竺迎旃檀佛其王模刻一像付騫天監十年
至建康迎奉太極殿則今鷲峰所安之像優塢王之所

刻與天竺之模刻與未可臆辨也像本旃檀香木脩七
尺餘寒暑晨昏不一色大抵近沈碧萬曆中慈聖皇
太后金飾之衣折作出水紋手一持一垂面目端雅修
上而銳下為西域像教之始又石座作如來卧像西山
壽安寺像側卧此安枕正卧左手支頤備衾幘焉

甲申午刻通侯太史所則周子儼落弟頌為不憚

乙酉閏高粱橋之勝晨粥訖即趨宣武門直走宣武街

北關將軍廟有元泰定元年甲子太歲五月立碑首曰

勅封齊天護國大將軍檢校尚書守管淮南節度使兼

山東河北四門_關鎮都招討_使兼提督_調天下諸宮神然

無地分巡按官中書門下平章政事開府儀同三司光祿大夫駕前都統制無佞侯壯穆義勇武安英濟王崇寧護國真君今人但知義勇武安王未知其全御也將軍諡壯穆與穆同今直曰壯穆非矣稍左若干武真武廟故鴻臚殿人所禁跡者塞其前從右入殿後墾石懸洞即伏疎樹離立頗有致使竹木蒙密亦勝地也廟祝云國初朝鮮獻閩人後位太監立廟意其人鄭同也過太平倉廢甚即正德時鎮國公府西官廳也北入大陸善報國寺元崇國寺宣德間重建改今名而人猶舊稱正德七年太監谷大用張雄奉勅修門殿偉麗時西

僧大慶法王頌占班丹大覺法王看堂藏卜總願僧衆
有碑列西僧職名御製寺記碑二漢書嘉靖間太廟
撤姚廣孝脩享移今寺僧錄司後主題推忠報國協謀
宣力文臣特進榮祿大夫上柱國榮國公姚廣孝廣孝
葬房山縣東北四十里曰聖岡塔遺像精峭面滿月目
炯、露頂袈裟趺坐今間祠安在僧曰祠三楹歲四祭
今夷為馬廐矣自直西直門稍北高粱橋水徑西山來
從橋流入北水門周廣數里曰積水潭多植蓮有蓮花
菴淨業寺最勝後流入西苑南出玉河橋宋太宗伐遼
與遼將耶律沙等戰于高粱河即此橋直西城隅之角

樓河廣可二丈沿河而西曰海潮庵夾池高樹蔭不足
稱也又西故外戚鄭氏莊今為都魯王墓垣屋如故又
西二墓為都魯王子某孫某各立墓下馬南望二里故
外戚太康伯張氏莊荒臺彷彿可念也又西暨通觀曰
楊二其側大真覺寺永樂甲子遣太監候顯迎西域梵
僧板的達大國師白對武英殿稱旨貢佛像及金剛寶
座之式於是立寺作法身寶座成化癸巳太監錢義重
修寶座壘石高數丈方為七丈鑄佛像六層其前洞門
捌辟躡殿而上豁然平迥五佛分五塔如其方金碧晃
耀中塔鑄佛足二門其前遠眺為快御碑云佛寂滅雙

林囑立金剛寶座植菩提樹二今丈尺規制視中印度
之寶座無以異也按西域記拘尸那揭羅國中印娑羅
林精舍有塔是金剛神跡地處次塔是停棺七日處次
塔是阿泥樓陀上天告母降哭處次塔是佛涅槃般
那處次塔是佛為大迦葉波現雙足處古槐二門直白石橋又西晉覺寺古松二而燕寺多寓氏頗令人短氣又白石間距西故州馬馬碑之白石莊花樹差存前為神宗所
而直門七里稍西萬壽寺望之鉅麗有山亭
臨御也大鐘徑丈二刻佛號稱院法華諸品沈度書少
師姚廣孝監造余意倦而反有茂林在海潮菴後北折
道之則廣通寺門向不之入稍左天仙廟為曆中永寧

宮端嬪周氏生惠王慈疹禱之驗見碑記而廟旣鏤萬曆字不知漢唐諸刻正朔何以豪不磨也遂顧陳木菴慰其下第

丙戌

九月丁亥朔午通大崇仁寺值曹太常同閱書畫有先帝有書雨水夾明鏡雙楸落彩虹字通逸隄大五寸太常市之未果晚飲葡萄下

戊子

己丑辰刻

庚寅

辛卯陰

壬辰昧爽雨午陰始寒

癸巳晴

甲午舍華王千戶携酒小飲

乙未訪武功翟大理魯齊遠不值昨日見枉故報之

丙申遇吳太史昨曹太常襲總憲以九日招周子儼等

登慈仁寺昆虛閣分韻賦詩子儼擬次四首太史曰人

雖有才決不可恃且遲速難強興會勃發觀如覩牆意

氣非不盛也而寒窓下有宿儒老生絕不相關執指吾

字句曰某字誤某字劣則大事去矣今人看唐詩豈今

人才勝于唐耶直意見勝之也又曰作詩雖不得俗不

得

丁酉早晤曜大理初疑其自則通聽曹太常之言也是

日寄家報

戊戌通曹太常同啟

己亥 庚子

辛丑通天慶寺報湯溪孫孝廉楚卿之秀不值天慶寺

宣德末儒達菴建左通樂王廟先朝武清侯李誠銘建

期望祿者肩接時多簡惜下品目稍北訪无祿不值紀

徒罵久矣

壬寅連燠大似江南

癸卯晚會周子微值華亭張青瑛

甲辰

乙巳晡刻聞霍大鯉見枉遂先之語李自成陷西安事

甚悉別有記

丙午旦微雨霍大鯉微余近錄手致之又語遺事一二則

丁未陰曜大鯉示黃石齋先生秘錄二表夜雨

戊申雨始寒

己酉陰

庚戌夜向山雪

辛亥晴恒風夜始冰

壬子 癸丑 甲寅 乙卯

丙辰錄黃石齋秘稿跋以昧瞿大理語久之

十月丁巳朔陳木菴來云吾邑登榜者云人夜聞鄰婦
哭聲蓋燕俗薦亡焚柩衣雖速歲不輟聲云送寒具謂
之鬼節

戊午觀書于市向河城下之柳黃矣

己未通陳木菴值西安蔣伯決鴻臚長安客話古佛菴
黎民表隸書銅佛一脩三尺鑄大唐貞觀年尉遲敬

德監造巷距宣武門二里今陳氏寓焉以問傳人不能對或名偶同耳

庚申過太和堂吳氏值武進龔進之問以宋明之末武進井出狀元果否曰宋末狀元蔣重珍家新塘距郡城八十里先是崇寧二年狀元龔端友居之重珍微時折梅于此成株後治宅曰紅梅堂今明末楊狀元冰如廷鑑卽其地凡浚河魏科輒有驗按一統志龔端友忤蔡京以吏部侍郎致仕贈少師有內制三十卷蔣重珍仲舒無錫人嘉定中進士第一官刑部侍郎卒諡忠義新塘在太湖大椒山旁距無錫四十里則蔣仲舒籍無

錫在今地則武進也

五續文獻通考宋寧宗嘉定十九年

進士及第出身
有差非宋末

辛酉陰

壬戌

癸亥恒風而寒

甲子 乙丑

丙寅晚同胡伯禹飲時別朱太史遂錢塘

丁卯

戊辰霍大理招飲同蒲城令城武田秋海豐今秀水項

註大理並仕曹縣言劉澤清事為詳是日余攬揆之辰

己巳 庚午

辛未望以家門卜正陽門之闕廟并游大慈仁寺

壬申大風始寒

癸酉適吳太史所時除侍讀

甲戌

乙亥偶市飲晚聽箏伎色藝俱下

丙子 丁丑 戊寅

己卯得邑人徐公偉君書公偉令安義無涉俗才致下

請室遣伴告急于計相陳氏兼東我讀之嗚咽夜夢公

偉拜而泣

庚辰告朱太史以安義令狀他無望或便于索贖冥報
可也太史慨致南昌張司理書余目附徐使以家問

辛巳過周子儼

壬午 癸未

甲申早訪金華葉山公

乙酉陰夜大風并日

丙戌衝寒過葉山公未離枕也堅披衣起其鄰周德潤
澤故嘉定侯之孫官錦衣娶駙馬都尉王昂孫女年十
七遭亂貧甚廩一室余問遺事故屢過山公值之綈袍
不備有寒色其人拙訥語少頃遽去嬾自乞火行汲見

之心惻名平種永未為非幸也山公贊酒二升乃別

十一月丁亥朔

戊子家報以郵至差自慰

己丑 庚寅 辛卯

壬辰報謁余氏出萊市方論因八人迂避之

癸巳

甲午晚會翟大鯉語及少時有庫惠熊來募者立門下

乞少米遽去雖猛獸既剖有人性

乙未

丙申夜大風

丁酉周子椒寓張氏通之子椒所善嘉定侯氏叙其家
難惜甚

戊戌 己亥

庚子是日朱太常晉少詹事無原官如故

辛丑 壬寅 癸卯

甲辰寄朱義儒書時游涇陽以閩中多名家遺刻盡得
一二也

乙巳 丙午 丁未 戊申 己酉

庚戌前借耀大理閣書閱訖晉江何客嚴氏故游諸徹
侯云襄城伯李國楨任京營甲申三月都城陷賊劉友

之曰君侯散重兵以隸此元功也行冠諸臣之右矣
同留其營嘗同食寢一日縱隸今檢察目盡隸其家園
積敗時跨馬面如死灰其舅金華潘某退曰吾甥事至
此不即死尚何待乎此嚴氏目覩者今刻今稱國禎求
葬先帝劉誠意孔昭上章以明之其說不知何所始
也

辛亥早微雪遇霍大經示所著西事及王漢陂九思集
壬子遇吳太史所太史近作王郎曲吳人王稼本徐勿
齋歌兒也亂後隸巡撫土國賢怙勢自恣國賢死逃入
燕今再至年三十而江南為紳好其音不衰獨太史作

王郎曲王郎十五吳趨坊窺額青然白晳長孝穆園亭
嘗置酒風流前輩醉人狂同伴李生拓枝鼓結束新翻
善財舞鎖骨觀音變現身反腰貼地蓮花吐蓮花娜娜
不禁風一斛珠傾宛轉中此際可憐明月夜此時脆管
出簾櫳王郎水調歌緩、新鶯嚦嚦花枝暖慣挑斜袖
卸長肩眼着欲化愁應懶推藏掩抑未分明拍數移未
發曼聲最是轉喉偷入破瑤人腸斷臉波橫十年芳草
長洲綠主人池館惟喬木王郎三十長安城老大傷心
故園曲誰知顏色更美好瞳神剪水清如玉五陵俠少
豪華子甘心欲為王郎死寧失尚書期恐見王郎遶寧

犯金吾祇難得王郎暇坐中莫禁狂呼客王郎一聲
頓息移床教坐看王郎却似與郎不相識往昔京師推
小宋外戚田家舊供奉只今重聽王郎歌不須再犯昭
文痛時世正彈白翎雀婆羅門舞龜茲樂梨園子弟愛
纏頭請事王郎教絃索心向王門作使兒博徒酒伴貧
歡誰君不見康昆崙黃幡綈承恩回首華清閣古來絕
藝當通都盛名肯放優閑多王郎王郎可奈何先是太
史善病每強坐晤對今病良已詩繪自娛目日文詞一
道今人第辨雅俗似矣然有用一語似雅實俗有出于
俗而實雅未易辨也先儒講通學嘗淺視之就其所擇

著往往文人所未逮者理徹則不須辭而傳也余聞之
瞿然有有往劉念臺先生志未總督獎元墓迴出上虞
倪鴻寶神道碑上以雕繪不如蒼老也又吳太史王郎
曲成合肥龔孝升口占贈之曰薊苑霜高舞柘枝當年
垂柳尚如絲酒闌却唱梅郎曲腸斷王郎十五時

壬子

癸丑陰往崇文門訪嚴氏問以遺事不值

甲寅

乙卯寒少減

十二月丙辰朔聞畿內屢雪山東至厚二三尺

丁巳 戊午

已未飲朱氏所往通衢果酒不足禦也

庚申

身自通衢大理不知其誕辰也以逆書故竟退時曹秋
經進右通政久矣適遇朱太史邀晤曹通政曰往年李
山人 家得定之新城喜數學叩之所言出處俱驗
又揚州僧德宗嘗一見問目後當三會果然又平湖馬
覲揚 錢君銓 同計偕訪德宗時詞林某同坐
德宗語覲揚曰居士此行當如某英語君銓曰居士得
毋憂北堂乎北堂疾良已數日且得報其安行二公同

年也錢問歷職日官終按察司後并登第馬館選錢知
連江赴任縣治燬寫公館偶見舊額則按察司也大不
憚辛島其奇中如此又日頃在銀臺保定人某自稱山
林隱逸上章內陳長生不死之方余聞之不覺失笑唐
人驅車策馬以應不求間遠科良不虛矣

壬戌早飲朱氏所是日朱太史誕辰宋詞戲徵伎樂俱

下里穉齒也

癸亥過鹽官始市

甲子 乙丑 丙寅 丁卯 戊辰 己巳 庚午

幸未借曹通政續文獻通攷不值過吳太史所云往時

大興孫清隱 有高節畫山水人物追跡古人亡子甲
申遭亂餒死其畫多傳太史題其洗象圖

壬申

癸酉大風是日禁屠宰放百官休沐至明年正月三日
甲戌訪邑人查英耒始悉吾鄉近狀是日仍令各官視

事開禁屠

乙亥仍禁屠宰休沐百官

丙子 丁丑

戊寅宋太史徙宅先是僦石侍講仲之居今市宅亦同
巷余暫留

己卯赴新宅

庚辰 辛巳

壬午朱義儒至自浚陽

癸未沈叔明至自金華叔明日十月凍舟吳門冰厚三寸有奇各舟募壯夫以輕舟先之斷冰日行三四里先是查莫來日自通灣凍至嘉興余不以為然蓋去冬北方最寒江南不聞凍今北方果差減何江南甚之也如叔明言大道南矣余髮種一鴈月始冰于十月末之前聞也叔明又曰十一月二十六日通曰洋河有度冰娶嬭婿從十八人全陷焉是日辭吳太史白金吳綿之餉

癸未過陳木庵所值建陽馬肇敏揚明語近事我馬丁

孝廉震生爾發同夜飲頗甚

甲申是日立春吳太史使者三至勉受之司城錢塘宋

俊伯時英銅酒吾邑沈仲嘉日予以家問未夜大風

乙酉午訪沈仲嘉語鄉曲甚悉夜宋俊伯丁震生輩劇

飲